

Kolosi

Pâlan Kolosi mkaen am nâmkînpemak mamaip ekngat zapat meluwan kapi kumindaye

Zapat meluwan kapi Pâlan kuye. Egan Loma msalen mka katiknan kekpeme tati kuye. Kolosi mka teman ke Loma gapmangalen plowins kwitnan Esia msat teman keyet kanan tazin. Alak pigogak msat ke kwitnan Teki makuip. Pâlan mangeyen kan keyet Kolosi mka teman ke dapmelange msokbeye. Loma gapmanan totatmiminin ke mtatingut butnanset mamekotemien.

Kolosi dapmelange ke Pâlan ku mwage. Eknen am Zuda mangeen ku sokbemberan eknenan dapmelange ke msokbewien. Lukmak Pilemon ma Epapalas ekngat kwilin zapat meluwan kapiyet kanan tazin (4:12-13). Kolosi ke kegogak ekngalagen mka (2:17) kegogapm nuknan sokbeme Epapalas zet zapat ke timti Pâlyet zesâgât Loma msalen mege.

Nuknan kapigok sokbeye: Amnan Kawawangalen Zet Zapat Dolaknan Penanmak amgalen mama mimi ke pepebenti tim mamayet windenan ikjak nen penan mbien. Nâmkînpesep kwitnan belakngat palen benti nâmkînpesep penan tazinnok belak nâwien keyet zemâtâtât notnan zeye. Ensel ekngat sesewatindanda mbiengat nâme kegogak bekanan beye. Angalen nânâ yan kwitnan kwitnan teman ma Kawawangalen zet ke mme pepesut peye. Nuknan sepem kegok sokbeme Epapalasiyan bunam zapat timti Pâlmagen mege. Kolosi dapmelange eknen Pilemon egalen mkaen maondaktemien.

Zet noteknan teman kapigogan Kolosi zapat meluwan kanan talip:

1:1-14 Zet yanbemti zenzeyelen zet.

1:15-23 Kilais egan Amobotnan penan bein.

1:24-2:7 Pâlan dapmelange ekngat mulup msâgât sek sindem timti mge.

2:8-23. Amgalen mama mimi etan ke kume topme Kilaismagen mama ke timti mamayelen.

3:1-4:6 Kwatetepman mamayelen zemâtâtât zet notnan.

4:7-18 Zet zeme delan zenzeyelen zet.

1 ¹⁻²Neŋ Kawawaŋaŋ iŋaŋ Zisas Kilais egalen mulup an neŋ mamti egalen Zet Zapat Dolakŋaŋ Penan zempalakŋaŋ bembeyelen nâmti nakumtetiye. Ma ningat notn Timoti nilisakwep zapat meluwan kapi kumti Kawawaŋaŋ amŋane iŋaŋgat zapat ombemindendeŋaŋ ma am Kilais manâmkĩŋpemti wisat mimipiŋ Kolosi mkaen talip ingat bemalu kozin. Nit Kawawaŋ Bipm dundu samalu egaŋ keŋ taolet ma keŋ sewakŋaŋ mimindawe.

Dundundunnan ingat wisikŋ Kawawaŋgat manzenup

³⁻⁴In Zisas Kilais nâmkĩŋpemti Kawawaŋgalen am mamaip ekŋen gogot mamimindamti maip keyelen zet zapatnaŋ nit nâwelín keyet dundundayen kan kataŋ Amobotnaŋ Zisas Kilais egat Bipmaŋ Kawawaŋgat wisikŋ zemti mandundulup. ⁵Yaŋbemberan baen Kawawaŋgalen zet penan ke inmagen kopme in Zisasiyaŋ kululuŋengatnaŋ toti ingat yomgapm gakiye ke nâmkĩŋpemti ek kululuŋen eekgalen webemti mamaip. Naman kogogak webebeŋin ekmagen tazin keyaŋ mme noline gogot mimindamti Kilais nâmkĩŋpematalip. ⁶Kawawaŋgalen Zet Zapat Dolakŋaŋ Penan ke in nâmti egalen keŋ taolet mimindame penan sukwep nâmkĩŋpewien. Sepem kogogak msat kataŋ am sambemagen Kawawaŋgalen Zet Zapat Dolakŋaŋ Penan keyaŋ meti penanaŋ Zisasmagen nâmkĩŋpepe msokbeme kwati tasambeleŋ mezin. ⁷Epapalas ek Kilaisiyelen mulup an dolakŋaŋ nigat notn penan. Nin nsakwep mulup an dolakŋaŋ. Egaŋ Kawawaŋgalen Zet Zapat Dolakŋaŋ Penan keyet yaŋaŋ ningat mundum mnan tati inmagen zemâtâtindaye. ⁸Egaŋ Emetak Teŋaŋ inmagen gogot mama ke indame keyet penanaŋ mamkawaŋ beip keyelen zet zapatnaŋ kot dinitdoye.

Kawawaŋaŋ Kolosi am nâmkĩŋpepeŋin gwatnaŋ mimindendeyet Pâlaŋ mandundumtan

⁹Kan ingalen zet zapalin yaŋbemti nâwelinen nit yaŋaŋ keboŋ keboŋ keyet oloŋen mti Kawawaŋgat omteŋ mandundusalup. Ma nit egaŋ nânâ indandayelen mawekumti kwitnaŋ kwitnaŋ Kawawaŋaŋ iŋaŋ nâmtikŋaŋ mamin ke mbep ma Emetak Teŋaŋ nânâ dolakŋaŋ indame mama mimi teŋ Kawawaŋgalen ke mâbep. ¹⁰In kekok mti Amobotnaŋ nâmtikŋaŋ mbe keyet katnan mambeŋ ma kwitnaŋ kwitnaŋ sambe mbep keyet egaŋ oloŋen mbe. Ma ingalen mamaŋin keyaŋ mulup kwitnaŋ kwitnaŋ mbep keyet penanaŋ sokbemindawe. Kegok mti Kawawaŋ nâmkĩŋpemti mama keyaŋ inmagen omba sememeyet mandundulup. ¹¹Kawawaŋ ek winde toŋaŋ keyepm egaŋ winde indandayelen mandundulup. Ma egalen windenaŋ dolakŋaŋ timtati in katikŋaŋ bemti nukŋaŋ sambe

sewak sewak ñep gapuwep. ¹²Kawawaŋgalen zemâtâtât katnanen mama busatnaŋaŋmak mama ke ñep motitiyet zetik mti ombemindeye. In kan katanj Bipmnaŋgat keyet oloŋen palen wisikj manzemmambep.

Zisasiyelen mama mimiŋaŋ ma mulupmaŋ

¹³Kawawaŋ egaŋ tambusosok toŋaŋ egalen windeengatnan ndatimti Nemunaŋ gogot penaŋ mamm egalen zemâtâtâtgat katnanen mama keyet keŋan met ndeye. ¹⁴Egat tambusosok keŋangatnaŋ ndatiye keyet yaŋaŋ kapigok, egaŋ ningalen yomgat dopmaŋ gakiki keyetnaŋ ndakwitimti lala ndeye. Mti yomm sambe katikpepeyelen kekok mge.

¹⁵Kawawaŋ amnaŋ ku ekbienanŋgut Kawawaŋgat yaŋaŋ penaŋ nâsâgât Nemunaŋ Zisasiyet mama mimiŋaŋ keeset ekti Kawawaŋgat yaŋaŋ nânâyelen. Zisasiyaŋ kwitnaŋ kwitnaŋ sokbembepiŋ tapme Kawawaŋmak mamti maŋge ma egaŋ kwitnaŋ kwitnaŋ sambe Kawawaŋaŋ mge keyet Amobotnaŋin bein. ¹⁶Eneyet Egaŋ mamti kululunŋgalen ma msalengalen ma kwitnaŋ kwitnaŋ keŋan wemezin ikaŋaŋ msokbeye. Kwitnaŋ kwitnaŋ eekgalen msalen talip ma ku eekgalen kululuŋen talip ma ensel windeŋinmak temakwep ma amobotnaŋ windeŋinmak ma an damuŋ windeŋinmak ke ilinsakwep egat zapat zeme sokbemti egat zetnaŋ kandeŋan matalip. ¹⁷Ek kwitnaŋ kwitnaŋ sokbembepiŋ tapme tipman baen mamkwage. Ma kwitnaŋ kwitnaŋ sambe ke egalen winde keyet palen dolakŋaŋ mawemkwazin. ¹⁸Ma egat setnaŋ betnaŋ ma pemaŋ ke am nin egat manâmkiŋpenup keyet yaŋaŋ dapmelanŋeŋane nin. Âpme egaŋ ningat ŋokasetn bein. Enenogat Egaŋ am gakikiengatnan wawat ke ñeŋaŋ bem ndemti wage. Mti kwitnaŋ kwitnaŋ sambe keyet ŋotekŋaŋ beye. ¹⁹Kogogapm Kawawaŋaŋ ikaŋaŋgat keŋaŋgalak Nemunaŋaŋ ikaŋaŋgalen sek sepem ilindiŋ bemisik peye. ²⁰Keyepmti Kawawaŋaŋ am sambe msalen ma kwitnaŋ kwitnaŋ kululuŋen ma msalen talip ekaŋgat nâmti set weyaŋge ke Nemunaŋ peme toti tewen gakime sipmaŋ mulati mamasi msokbeye.

²¹In eweŋaŋ Kawawaŋgat kasaŋaŋ mamti bekaŋaŋ sepem igak igak mti ŋotikŋinan Kawawaŋ ku main nâmti bamkumpemti teleŋaŋ mambien. ²²Âpme Kilaisiyaŋ nin masokbeip sepem kekok sokbemti ningalen kasa kasa mamann Kawawaŋmagen tage ke kume totogat tewen kume gakim wati alak nin Kawawaŋmak timet tusumndeme ekmak keŋ kwep bemndeme myuŋguŋgupiŋ teŋ Kawawaŋgat zikatnan ndatime kotapmanup. ²³Kegok ke ñep keyanŋut in nâmkŋppepen kaliŋaŋ bemti tepum miŋaŋ gwetnaŋ mimiŋaŋ nembonj bemti kululuŋen mebegalen webemberŋin Kawawaŋgalen Zet Zapat Dolakŋaŋ Penaŋaŋ manzemsokbemindain ke ku ketalasiwep. Mme Kawawaŋgalen Zet Zapat Dolakŋaŋ Penaŋ ke neŋ keyelen mulup an kwaban ke am sambemagen timti msat sambe zempalakŋaŋ bemmâban.

²⁴Neŋ Kilaisiyelen buŋam zapaŋnaŋ dapmelange inimagen mkawaŋ bema keyepmti neŋ sek sindem matiyap keyet nâma oloŋen penaŋ beinen keyet penaŋnaŋ inlak am nâmkînpepemak kwabien. Kilais egaŋ sek sindem temaŋ tiye sepem kegogak neŋ dapmelange in sambe Kilaisiyet setnaŋ betnaŋnok ingat mti sek sindem tusumti matiap. ²⁵Kawawaŋaŋ neŋ dapmelangenjane inimagen zetnaŋ sambe bekapi zempalakŋaŋ bema in indamukulem mimiyelen mulup annaŋ naombem nenŋe. Kogogapm neŋ zetnaŋ ke ŋen kupema towewepiŋ; ilindiŋ mandiindoyap. ²⁶Zet ke kan teepmaŋ penaŋ enzililiŋan tapme am mamkwabien yaŋ alak pi Zisasiyet nembaŋaneyan ilin zemkawaŋ bemindame am nâmkînpepeŋinmagaŋ nâmatâpme delaŋ zein. ²⁷Keyepmti am Zuda maŋgeen ku sokbembeŋaŋ ekŋenmagen Kawawaŋgalen zet enzililiŋaŋ omba penaŋ keyet penaŋnaŋ mobotnaŋ penaŋ am nâmkînpepeŋinmak ingat tunguwinan masokbemezin. Kilais keŋinan mamain ek ke zet enzililiŋaŋ takwage keyet penaŋaŋ. Âpme in ekmak mamaip keyepmti kululuŋen egaŋ tazinen ke ekmak moti mamambep. ²⁸Âpme in am sambe Kilaisiyet yaŋaŋ zemkawaŋ bemindamti nânâ dolak dolakŋaŋ sambe ke diindomti aŋkeŋoo zet mandiindonup. Ke Kilaismagen tusumti egat zapaŋ nâmkînpepeen katikŋaŋ bemti an penaŋ bemti matalip kegok Kawawaŋgat zikatnan timetindendeyet mandiindonup. ²⁹Egalen windeyaŋ neŋ namukulem mnemti m eleŋ beleŋ bemneme mulupmaŋ ke sek sindem palen amŋane ekŋenmagen mamiyap.

Nâmkînpepe kaliŋaŋ bemtati zet dâsuki notnaŋ sambe bamkumpewep

2 ¹Neŋ pigok diindoma nâit, in ma Laodosia am ma am sambe notnaŋ in nâgât zimoseŋn ku nâip yaŋgut neŋ in nâmkînpepemak bembeyet sek sindem palen mulup mamiap. ²Neŋ mulup sek sindem palen mamiap ke ingat keŋin mkipmaŋ bembeyet nâmti mamiyap. Âpme in nolinangat keŋin bembe keyelen mamayaŋ ke mme nolinemak keŋ kwep bemti mamambep. Mti neŋ in Kawawaŋgalen zet enzililiŋan tazin keyet yaŋaŋ weyaŋ nâmatâtâgât manâyaŋ. Neŋ in ŋoktik dolak dolakŋaŋ keboŋ titiyet manâyaŋ. Kilais egaŋ ikŋaŋ zet enzililiŋan keyet penaŋnaŋ penaŋ bein. ³Zet penaŋgat ŋotekŋaŋ temaŋ ma kwitnaŋ kwitnangat yaŋaŋ nâmatâtâgalen enzilipepeŋaŋ ke Kilais ek etaŋ keyelen nânâ ma penaŋnaŋ penaŋ. ⁴Am ŋenaŋ zet kelakŋaŋ mimindamti keŋin mme yunguwemagangapmti zet zesowap kapi eweŋanegak saleŋin tiyap. ⁵Neŋ sekŋnaŋ etaŋ beŋan pien mamayaŋ, yaŋgut keŋnaŋ inmak mamti in Kilais nâmkînpepmi ekmagen tusumti mamaip ke otnâmti ingat nâma mobotnaŋ beme oloŋen penaŋ mamimindayap.

Zisas nâmkînpepe mama keyaŋ mama penaŋ bein

⁶In Kilais Zisas Amobotnaŋ ekmak kakanemuŋ mamayet nâmti ekmak tusuwien keyepmti ekmak etaŋ watekumti mamambep. ⁷Nâmkînpepeŋin

keyaŋ kindiŋinok beme Zisasiyet mamaŋaŋ time topme keyet palen imtati semem mobep. Kegok mimiyet zemzikat indandaŋaŋgat mbep. ⁸An ŋenaŋ amgalen ŋoktikeseŋ tetimaemae zet belakŋaŋ ŋen zemti keŋjin mme yuŋguwepgat indiksem indeemti mambep. Zet yukwat yukwat keboŋ ke ekŋenaŋ yeŋpawine ekŋengalen nânâ dâsuki notnaŋ ilinaŋgat keŋjinan manzeip ma msat palengalen nânâ dâsuki notnaŋ ke timamti manzeip, wa nânâ ke Kilaismagengaŋnaŋ yek. ⁹Nâip, Kawawaŋgalen mama mimi ma totatatnaŋ ilindiŋ keyet yaŋaŋ Nemuaŋ Kilaismagen sosok sokbembkawaŋ beye. ¹⁰Keyepmti in ekmak tusumti maip keyaŋ zeinen in egat kandaŋan mamti kwileki ŋeniyet ku olapbep. Mme Kilaisiyaŋ we ŋenaŋ sambe ma ekŋengalen mobotnaŋ sambe ekŋengat ŋenaŋin temaŋ main. ¹¹⁻¹²In eweŋan sekŋin butnaŋ antimti mamamti keyet nâme piliŋ delaŋ zenzeŋepiŋ zemti mamtemien ke am ilin belinan kekok mti mambien. Yaŋ piliŋ alakŋaŋ Kilaismagengaŋnaŋ titiyelen ke keŋaŋ ekmagen tusumti kekok ke mimiyelen. Kawawaŋ winde toŋaŋ egaŋ Zisas gakikiŋaŋgatnaŋ mme wage manâmkiŋpenup nin kekokak mamaen mawatnup keyelen piliŋ tu zulutbenn, keyaŋ piliŋ penaŋ bein. Tu zulutbenn keyaŋ keŋ itnaŋaŋ pemaŋ tu nimti gakikiŋaŋnok wengeyaŋ mawen mme keŋ alakŋaŋaŋ Zisasmak mamayeŋ wabennaŋ mamaŋup. ¹³In eweŋan mama alakŋaŋ ku timti yommak mamti gakikiyelen zapat mambien. Kegok mamme Kawawaŋaŋ yomm peme mepme ndatim kwati Kilaismak mamaen tusumndeye. ¹⁴Am sambeyelen yomgat dopmaŋ titiyet zetnaŋ kumpepeŋaŋ ke mendelet peme mebegalen dopmaŋ Kawawaŋaŋ Zisas tep palen mot kumasasokpeye kan keyet yomgat dopmaŋ titiyelen Kawawaŋaŋ dopmaŋ ku titiyelen zemdelaŋ pemâge. ¹⁵Kegok mti Kawawaŋaŋ Nemuaŋ ketalasime yomgat dopmaŋ tewen gakiye keyaŋ we mobotnaŋ ma windemak ekŋen windenŋin mtotindeme delaŋ zeme, egaŋ am sambe ekŋengat zikalinan we mobotnaŋ ekŋen ke ma winde sambe ekŋen tetepulet mindeme ekmâtâbien.

¹⁶Keyepmti an ŋenaŋ ingat tu meu zigok niniyet zetnaŋ ma Sonda temaŋgat nimwiaŋ wiaŋ mamipgalen yaŋkwesisi ma eyonga alakŋaŋ kwapme zigok mimiyelen ma Sabat tagoŋgo kangalen zemâtâtât ekseseyelen notnaŋ ku mâlip zemti indome keyet sukŋaŋ bembepiŋ. ¹⁷Kwitnaŋ kwitnaŋ sambe keboŋ keboŋ keyet nâman belak elewilinaŋ etaŋ keboŋ bein. Penaŋaŋ bam sokbembeŋaŋ ke ilak Kilais yaŋin. ¹⁸Ma an ŋenaŋ kwitnaŋ kwitnaŋ penaŋaŋ pi ilak kie kie baen ege zemti ensel ekŋengat kandaŋinan meti masesewatindain beme in an keboŋgalen zet kandaŋan ku mebep. Am ekŋen keboŋ keyaŋ sekŋ mmobot igagen mam mti mobotnaŋ sepem iŋjak iŋjak keboŋ mammip. ¹⁹An ekŋen keboŋ keyaŋ Zisasmak pepebemtî kaliŋaŋ penaŋ kuma talip. Zisasiyaŋ dapmelange sambe ningat ŋokasetn beme nin egat setnaŋ betnaŋ ma pemaŋ mee keboŋ benup. Âpme tetekŋ temaŋ ŋokasetnnaŋ gwaen

omti tot epeemti setn betnnan ma pemnan mee mekoti temakwep tusumndeme sekŋ kwep bemti mme segaŋ sememti Kawawaŋaŋ nâme tazin keyet kataŋ temaŋ kwatabe. ²⁰In Kilaisiyelen gakikiŋanen tusumti msatgalen winde sambe keŋ mamyuŋguin bamkumpewienan naman zigogat in msat kapiyet zapat mamaiwaŋ mamti mamipnok zii zetnaŋ maŋgawepuip? ²¹In kwilekiyet zii zet keboŋ keyet kandaŋan mepme egaŋ “Pi atatapiŋ” “Pi ninipiŋ” “Pi tanguŋgupiŋ.” Yukwat yukwat kegoŋ mamimindain. ²²Zet atindândâyelen keboŋ tetak ku tapmebe. Belaknik kapi tapmeti yek besâpm. Zemâtâtât zet ke amgalen zeletaŋ kegoŋgapm am ŋep ku indamukulem mbep. ²³An ekŋen keboŋ keyaŋ amgalen nânâ etaŋ mâti sekŋ sek sindem temaŋ ndamti nin sesewat mulup mene mene mimiyet manndapitilip. Keyepmti nin mulup ke ekman dolakŋaŋ penaŋnok mambein. Yangut ekŋengalen sesewat ma zemâtâtât zet keyaŋ keŋ itnaŋaŋgalen winde ke ku mamtopein.

**In kwitnaŋ kwitnaŋ dolakŋaŋ gwaen tazin
keyet webemti nâpeŋ mamambep**

3 ¹In Kilais gakikiengatnan wawatnaŋmak tusuwiengapmti gwaen Kilaisiyaŋ Kawawaŋmak windeen matazin ke kwitnaŋ kwitnaŋin bembenaŋ ke met titiyet keŋin temaŋ keeset bemti webempeŋ mamambep. ²In keŋin temaŋ msalen kwitnaŋ kwitnaŋ tazin kapiyet bembepiŋ; kwitnaŋ kwitnaŋ dolakŋaŋ kululuŋen gwaen tazin nânâŋin keyet peme mepme nâpeŋ mamambep. ³In Kilaismak gakiwienok bein. Mme Kawawaŋaŋ mama alakŋaŋ indamti ikŋaŋmak ma Nemuaŋaŋ Zisasmak mamain enzilim ndeme mamanuwen keyet yaŋaŋ alak kapigogak ewe ku eksokbembeyelen. ⁴Mameti Kilais mamayet yaŋaŋ ŋotekŋaŋ temaŋ ingat toŋinnaŋ sokbemkawaŋ beme in egalen bembenaŋ kegoŋgapm busatnaŋ senge soŋga inmak temaŋ kwep keyet keŋan sosok mot sokbemkawaŋ bemti tabep.

⁵Keyepmti in mama mimi ekŋen kabon kapi keŋ itnaŋaŋgalen ekŋen kemagen ilak gakiwienok nâmbep: imbimak set kileŋ mama ma mama mimi okbi okbiŋaŋmak sambe bee ma sebet dindiŋ palen kwitnaŋ kwitnaŋ notnaŋ myuŋguŋgu ma kwitnaŋ kwitnaŋ bekaŋaŋ mimiyet zet kelakŋaŋ mimi ma an ŋeniyelen kwitnaŋ kwitnaŋ kakim titi ma kawawaŋ dâsuki sesewatindanda. ⁶Am sambe mama mimi mgasik keboŋ keboŋ mamip ekŋen ke maneti bam Kawawaŋaŋ mama mimiŋin mgasik keyet dopmaŋ mutumindawe. ⁷Âpme in eweŋan mama mimi mgasik keboŋ ke mmamti keyet nâme dolakŋaŋ beye. Ya pi in Kilaismak tusuwien keyaŋ in mama mimi alakŋanen tusuwienok bein. Mti in mama mimi bekaŋaŋ keboŋ ke bamkumpeme delaŋ zemâgeyepmti mama kapi ewe ku mimiyelen: ⁸Ŋeŋziziŋ palen mama ma wâm kalem ma keŋ kwali kwali mama ma nolinaŋgat zekuku mimi ma zet sambuŋ

zenze ma zet dâsuki zenze. Mama mimi mgasik sambe kebonj ke bamkumpeme delanj zemâpbe. ⁹Mti mama mimi mgasikgalen tiknanj keñ itnanjananj indamandame set bekananj mebien e ilak bamkumpemti peme tage ke ewe tengugupinj. ¹⁰Mti in Kilaismak tusumti mama mimi dolaknanj Zisasiyan amjanane maindain ke Kawawanj iknanj mama alaknanj ke aikindaye kogogapm kan katanj in ñoktik alaknanj indamti indamukulem mme in Kawawanj iknanjat sepem bemti mama mimi tej mamimobogalen. ¹¹Keyepmti manje iknak iknak kalanjukmti mama keyanj inmagen ku tabe. Glik am eknenanj mangerjin ñen ma Zuda am eknenanj mangerjin ñen ma am sekjin butnanj antitijanj eknenanj mangerjin ñen ma am sekjin butnanj antitipinj eknenanj mangerjin ñen ma am nembuyengatnanj eknenanj manje ñen ma am kalanjanatnanj eknenanj mangerjin ñen ma amobotnanj eknen mangerjin ñen ma mulup an eknenanj mangerjin ñen ke ku miminj mamip. Nin sambe bepi Kilaisiyan temakwep pende zamndemti ningat Amobotnanj mamti mamdelanj zemndein.

Nin dopmanj mukulem mukulem mti mamambanup

¹²Âpme am Kawawangalen zapat mamaip, in gogot mimindamti iknanjat zapat ombemindeye. Kegogapmti in mama mimi eknen kapi mkipmanj beme ingat tip keñin bewe: in am sambe eknenjat kemberj mimindamti indamukulem mimindewep. Ma keñ mtot mamti sewaknanj palen mama ma ammak ñeñ beluñ beluñ mimipinj ma bakbak palen mama eknen keyanj ingalen mama bemâbe. ¹³In yomgat dopmanj mututu mulup ke kumbep. Tunguwinan yungungu sokbeme in yom ke katikpewep. Amobotnanjanj ingalen yom sambe bee katikpeme delanj zeye, sepem kegokak in ilinak yomgat dopmanj katikpe katikpe mti mambeb. ¹⁴Kegok mti in gogot palen mama keyanj mama mimi dolaknanj sambe mamip keyet tepumanj bemti tabe. ¹⁵In Kilaisiyan keñj sewaknanj penanj mamimindain keyepm in egalen keñj sewaknanj keyanj indikdamuñ mme am nâmkîñpepenmak keñ kwep bemti keñj sewaknanj palen mambeb. In kogok mimiyet Kilaisiyan indakumtetitijanj keyet in Kawawangat sikñ zemti sesewatpewep. ¹⁶Mti Kilaisiyelen Zet Zapat Dolaknanj Penanj ke keñinan mkipmanj beip keyet penanj ilinak Kawawangalen zet zemzikat inda mme tunguwinan palaknanj bemti wembe. Weme nolineyet ankenoo zet notnanj diindomti ilinsakwep oloñen palen mambeb. Âpme kan katanj silik dundunduninanen sesewat silik ma Kawawangalen Zet Itnananen zet tazin ke silik kuip ma silik notnanj Zisasiyet milim kukuñanj eknen ke kumti Kawawanj sesewatpewep. ¹⁷Âpme in zet kwileki ñen zesât ma mulup kwileki ñen msât nâmbep beme in Zisas Kilaisiyelen an penanj tati mulup ke mti Kawawanj Bipmanjat Kilaisiyet pembenangapmti wisikñ zemti sesewatpewep.

Nemba ma mambiwine ekñenaj sepem zigok mame ñep bewe

¹⁸Imbi, in mama mimi dolakñaj Amobotnañaj nâmtikñaj mamin ke etaj mti awin eksem indewep. ¹⁹An, in imbiñine ekñengat gogot mimindamti ku indom kumti sewakñaj palen indatim mamambep. ²⁰An imbi nemba, in mamin biwinangalen zet zeme keyet katañ zelin gawepuwep. Kegok mme Amobotnañaj ingat nâme dolakñaj penaj bewe. ²¹Nemba isisikñaj ekñenaj ñenzinziñ palen mamambepmagengat nemba biwineyaj zet memendepmak yañepiñ ku mimindawep. ²²Sisiliñ an, in msalengalen amobotnañine mamaip ekñengalen zet gawepuwep. Mneti in ekñenaj indikme pembenaj bembeyet etaj mulup mbepmagengat eksemti keñ oloñen palen Amobotnañ kululuñen main egat nâme mobotnañ beme amobotnañine msalen maip ekñengat zelin kandañan meti mulup dolakñaj mti mamambep. ²³In mulup mbep katañ wa am ekñenaj indikme pembenaj bembeyet nâmti ku mbep. Amobotnañ kululuñen main egaj indikme pembenaj bembeyet nâmti muluwin indandañaj nâmsemtiñ windemberñ mbep. ²⁴Mulup keyet tosañaj kwitnañ kwitnañ dolakñaj Amobotnañmak kululuñen gwaen bempepeñaj ke mopme indawe. In Amobotnañ Kilais egalen mulup mamnup kekok nâmti mulupmañ windeñajbenñ mamambep. ²⁵An ñenaj mulupmañ myuñguwe beme an keyaj maneti mulupmañ keyet tosañaj sepem kekokak tiwe. Amobotnañmagen ken ke ken ke ku matasaingapmti zetnañgat penaj sokbewe.

4 ¹Amobotnañ msalengatnañ, ingat Amobotnañin kululuñen gwaen tazingapmti egat otnâme mopme sisiliñ nembrañine dolakñaj mimindamti kwitnañ kwitnañ ekñengat ondekmambewien esemtiñ indawep.

Dundundumak mama keyelen set

²Dundundu katikpepepiñ keñin kaik tapme kwitnañ kwitnañ nâmbiliweti ke mkatik bemti tambu misa dundundunjanen Kawawangat dundumti wisikñ manzemambep. ³Mti ningat kekokak dundume Kawawañaj ndamukulem mti set aikndeme in Kilais egaj Kawawangalen Zet Zapat Dolakñaj Penaj enzililiñan nin yomengatnañ ndatitiyelen koge tazin ke sosok msat katañ zemkawañ bewanup keyet set aikndawe. Neñ zet keyet mulupmañ mmepma keyepmti nati mka katikñan neme talap. ⁴In nâgât mulup kekok mimiyet nâmti dundume Amobotnañaj namukulem mimneme neñ Kilaisiyelen buñam zapat nin yomengatnañ ndatitiyelen peme koge tazin zet kapi weyañti zemkawañ bema am sambeyañ nâme delañ zewe. ⁵In am nâmkinpepeninpiñ ekñengat tuñguwinan mamti Zisasiyet kwizet buñamañ zempalakñaj bewep. Mti mulup belak mimiyet kañin belak kileñ walebepgat nâmtâtâti mbep. ⁶In

zelin sewakŋaŋ palen zeme amnaŋ nâme tikŋaŋmak bewe. Kegogapmti am notnaŋgalen yaŋkwesisiŋinaŋgat dopmaŋ zigok ma zigok gilik zemti indawep.

Pâlaŋ Tikikasmak Onesimas zemideme Kolosi mkaen mebung

7-8 Neŋ mulup zigok zigok mammelap eyet zapatnaŋ Tikikasiyaŋ iŋŋaŋ ke diindome nâmbep. An ke nâgât notn penañ ma Amobotnaŋgalen sisiliŋ an zet gawepupunaŋ temaŋ penañ tazin. Keyepmti egaŋ mulup kapiyet namukulem dolakŋaŋ penañ mamin. Keyepmti neŋ ek pema inmagen koti zapat sambe ke mimindamti keŋin mme eleŋ beleŋ bembeyet nâmti ek inmagen pema kozin. 9 Âpme Onesimas ekgut nâmkĩŋpepeen notn dolakŋaŋ ma an zet gawepupunaŋ temaŋ penañ ilinaŋgat dâpmelange keyelen an ekmak Tikikas ilisakwep itdema koti kwitnaŋ kwitnaŋ ninmagen pien zigok tasokbemezin keyet zapatnaŋ diindome nâmbep. 10-11 Notn Alistakas ek neŋmak nsakwep mka katikŋaŋ kapi ndakot ndeme matalup. Nitmak Banabasiyet donaŋ Makmak Zisas kwitnaŋ ŋen Zastas manzeip egeleŋ in indamukumindeip. Âpme nin Mak pemaŋ inmagen kokogat buŋam zapatnaŋ eweŋaŋ zemaŋ nâmbien keyepmti egaŋ maneti kot inmagen patañ zeme ekti in oloŋen mti betnaŋ butempemti mukulem mpewep. Zuda am maŋge sambe ekŋen kapiyet tuŋguwinangataŋaŋ an ekŋen bukapi etaŋaŋ sokbemti Kawawaŋgalen zemâtâtâtgaleŋ katnanen mama keyelen mulupgat namukulem mti mulup mti nâgât keŋ mkipmaŋ mambeip. 12 Âpme inmagengataŋaŋ an ŋen Epalas ek Kilais Zisasiyelen mulup an egaŋ kegogak indamukumindein. Mti in nâmkĩŋpepe katikŋaŋ bemtati Kawawaŋgalen zet tazin keyet kataŋ mamti kwitnaŋ kwitnaŋ dolakŋaŋ etaŋ mimiyet nâmti kan kataŋ keŋ sindem palen dunduduŋanen in indabandim mamimindein. 13 Neŋ egat yaŋaŋ ŋep nâmbâtâlap egaŋ ingat ma Laodosia animbi ma Ielapolis mkaen animbi maondegip in indamukulem mimiyet sek sindem mulup omba penañ matin. 14 Luk ek ningat notn dolakŋaŋ ma ek an dokta ekmak Dimas egeleŋ kegogak in indamukumindeip. 15 Âpme neŋ Laodosia mkaengataŋaŋ animbi ma dâpmelange imbi nâmkĩŋpepemak Nipa egaleŋ mkaen maondegip ekŋen indamukumindemti zet zeap kapi mediindome nâmbep. 16 In papia kapi mti animbi makumindame nâme delaŋ zemâpme bam naman beme Laodosia mkaen am nâmkĩŋpepemak mamaip ekŋenmagen mepme maiŋti nâmbep. Âpme ekŋengat kuwan ke neman beme inmagen kopme in maiŋti nâmbep. 17 Âpme in Akipasiyet pigok zeme nâmbep, Kawawaŋgalen Zet Zapat Dolakŋaŋ Penañ timamti zenzeyet mulup sasaŋaŋ zeme ke weyaŋti kakanemuŋ mmeti mdelaŋ zewe. 18 Neŋ nen penañ betnaŋ muluwaŋ kapi kuyap. Neŋ mka katikŋaŋ matalap keyepmti in nâgât kandaŋapiŋ nâpeŋ mamambep. Kawawaŋgalen keŋ taolelaŋ inmak tatagat nâmti dunduyap.